

## PERSONAE

OEDIPVS  
 IOCASTA  
 CREO  
 TIRESIA  
 MANTO  
 SENEX CORINTHIVS  
 PHORBAS  
 NVNTIVS  
 CHORVS

*Scaena Thebis*

## OEDIPVS

Iam nocte Titan dubius expulsa redit  
 et nube maestum squalida exoritur iubar,  
 lumenque flamma triste luctifica gerens  
 prospiciet auida peste solatas domos,  
 stragemque quam nox fecit ostendet dies. 5

Quisquamne regno gaudet? o fallax bonum,  
 quantum malorum fronte quam blanda tegis!  
 ut alta uentos semper excipiunt iuga  
 rupemque saxis uasta dirimentem freta  
 quamuis quieti uerberat fluctus maris, 10  
 imperia sic excelsa Fortunae obiacent.

Quam bene parentis sceptrum Polybi fugeram!  
 curis solutus exul, intrepidus uagans  
 (caelum deosque testor) in regnum incidi;  
 infanda timeo: ne mea genitor manu 15  
 perimatur; hoc me Delphicae laurus monent,  
 aliudque nobis maius indicunt scelus.

est maius aliquod patre mactato nefas?  
 pro misera pietas (eloqui fatum pudet),  
 thalamos parentis Phoebus et diros toros 20  
 gnato minatur impia incestos face.

hic me paternis expulit regnis timor,  
 hoc ego penates profugus excessi meos:  
 parum ipse fidens mihimet in tuto tua,  
 natura, posui iura. cum magna horreas, 25

OEDIPPVS. IOCASTA. *inscriptum in E*: Edip(p)us. iocasta  $\beta$ : *om.*  $\delta$   
 1 OED. *praef.* *E*: Edipus *TS*: *om.* *PCV* titan . . . expulsa redit *E*: pulsa . . .  
 effulsit (emersit  $\delta$ ) dies *A* 3 luctifica (*cf. Lucan. 7. 2*) *E*: -fera *A*  
 4 prospiciet *E*: iam cernet *A* 5 ostendet *E*: -it *A* 10 uerberat *E*:  
 -ant *A* 13 uagans *A*: uac- *E* 18 aliquod *E*<sup>pc</sup> (*ex t*): aliud *A*  
 23 hoc *Bentley*: non *A*: nunc *E* ego *E*<sup>pc</sup> (*ex ergo*) 24 fidens *E*: *om.* *A*

L. ANNAEI SENECAE

quod posse fieri non putes metuas tamen:  
cuncta expauesco meque non credo mihi.

Iam iam aliquid in nos fata moliri parant.

nam quid rear quod ista Cadmeae lues  
infesta genti strage tam late edita 30

mihi parcit uni? cui reseruamur malo?  
inter ruinas urbis et semper nouis  
deflenda lacrimis funera ac populi struem  
incolumis asto—scilicet Phoebi reus.  
sperare poteris sceleribus tantis dari 35  
regnum salubre? fecimus caelum nocens.

Non aura gelido lenis afflatu fouet  
anhela flammis corda, non Zephyri leues  
spirant, sed ignes auget aestiferi canis  
Titan, leonis terga Nemeaei premens. 40

deseruit amnes umor atque herbas color  
aretque Dirce, tenuis Ismenos fluit  
et tinguunt inopi nuda uix unda uada.  
obscura caelo labitur Phoebi soror,  
tristisque mundus nubilo pallet nouo. 45

nullum serenae noctibus sidus micat,  
sed grauis et ater incubat terris uapor:  
obtexit arces caelitem ac summas domos  
inferna facies. denegat fructum Ceres  
adulta, et altis flaua cum spicis tremat, 50  
arente culmo sterilis emoritur seges.

Nec ulla pars immunis exitio uacat,  
sed omnis aetas pariter et sexus ruit,  
iuuenesque senibus iungit et gnatis patres  
funesta pestis, una fax thalamos cremat, 55  
fletuque acerbo funera et questu carent.

29 quod *A*: quid *E*<sup>2pc</sup>      34 asto *E*: ergo *A*      37 non *A*: nec *E*  
39 ignes auget (-ent *P*η) *A*: -e friget *E*      40 titan *A*: si- *E*  
43 inopi *E*: ipsa *A*      45 nouo *A*: die *E*      49 fructum *E*<sup>2pc</sup> (ex *u*)  
50 tremat *Gronouius*: cr- ω      55 cremat *E*: creat *A*

OEDIPVS

quin ipsa tanti perucax clades mali  
siccauit oculos, quodque in extremis solet,  
periere lacrimae. portat hunc aeger parens  
supremum ad ignem, mater hunc amens gerit 60  
properatque ut alium repetat in eundem rogam.

quin luctu in ipso luctus exoritur nouus,  
suaeque circa funus exequiae cadunt.  
tum propria flammis corpora alienis cremant;  
diripitur ignis: nullus est miseris pudor. 65

non ossa tumuli lecta discreti tegunt:  
arsisse satis est—pars quota in cineres abit?  
dest terra tumulis, iam rogos siluae negant.  
non uota, non ars ulla correptos leuat:  
cadunt medentes, morbus auxilium trahit. 70

Adfusus aris supplices tendo manus  
matura poscens fata, praecurram ut prior  
patriam ruentem neue post omnis cadam  
fiamque regni funus extremum mei.  
o saeua nimium numina, o fatum graue! 75

negatur uni nempe in hoc populo mihi  
mors tam parata? sperne letali manu  
contacta regna, linque lacrimas, funera,  
tabifica caeli uitia quae tecum inuehis  
infaustus hospes, profuge iamdudum ocium— 80  
uel ad parentes.

Iocasta

Quid iuuat, coniunx, mala  
grauare questu? regium hoc ipsum reor:

57 ipsa *E*: ista *A*      59 periere *E*: -ire *A*      61 repetat *E*: regerat *A*  
66 lecta *Bentley*: sancta ω      69 om. *A*      leuat *Bentley* (coll. 90): -ant *E*  
72 praecurram *A*: pro- *E*      77 tam *A*: iam *E*      loctali *E*<sup>2pc</sup> (ex *u*)  
79 tabifica *rubricator E* (ex *ti*)